

PAPUR/ENCLOSURE
E

Cyngor Sir Ynys Môn / Isle of Anglesey

Pwyllgor	Pwyllgor Safonau
Dyddiad y Cyfarfod	12 Mawrth 2014
Teitl yr Adroddiad	Casgliadau Panel Dyfarnu Cymru 13 Rhagfyr 2013 i 12 Mawrth 2014
Adroddiad gan	Cyfreithwraig Llywodraethu Corfforaethol
Pwrpas yr Adroddiad	Rhoi gwybodaeth ar y materion y bu Panel Dyfarnu Cymru'n ymwneud â nhw

1.0 Rhagarweiniad a Chefndir

Sefydlwyd Panel Dyfarnu Cymru o ganlyniad i Ddeddf Llywodraeth Leol 2000 ac mae iddo ddwy swyddogaeth statudol:-

- Cynnal tribiwnlysoedd achos neu dribiwnlysoedd achos interim i ystyried adroddiadau gan yr Ombwdsmon yn dilyn ymchwiliadau i honiadau fod aelodau wedi methu â chydymffurfio gyda chôd ymddygiad eu hawdurdod; a
- Ystyried apeliadau gan aelodau yn erbyn penderfyniadau Pwyllgorau Safonau Awdurdodau Lleol eu bod wedi torri'r côd ymddygiad.

Mae'r adroddiad hwn yn ymwneud â phenderfyniadau a wnaed gan y Panel Dyfarnu rhwng 13 Rhagfyr 2013 a 12 Mawrth 2014 a'r bwriad yw cyflwyno crynodeb ffeithiol o'r materion a ddygwyd gerbron y panel Dyfarnu. Ni fydd yn disodli'r adroddiad a gyflwynir i'r Pwyllgor pan fydd cwyn sy'n ymwneud â Chyngor Sir Ynys Môn wedi bod gerbron y Panel Dyfarnu.

2.0 Penderfyniadau a wnaed rhwng 13.12.2013 a dyddiad yr adroddiad hwn

22.11.13 - Cyng Michael Jones – APW/004/2012-013/AT

23.01.2013 – Cyng Aeron M Jones – APW/006/2012-013/AT

Gweler y Tabl isod sy'n cynnwys crynodeb o'r materion y rhoddwyd sylw iddynt a chanlyniadau'r achosion uchod

Enw	Crynodeb o'r Ffeithiau	Darpariaethau perthnasol y Côt	Crynodeb o'r Penderfyniad	Casgliadau
<p>Y Cyn Gyngorydd Michael Jones</p> <p>(Cyngor Pentyrch)</p> <p>Cymuned</p>	<p>Yr honiadau oedd bod Mr Jones wedi torri Côt Ymddygiad Cyngor Cymuned Pentyrch drwy:-</p> <ul style="list-style-type: none"> (i) Fethu a dangos parch ac ystyriaeth tuag at eraill; (ii) Bwlio ac achosi gofid i berson arall; a (iii) Methiant i ddatgan buddiant personol a buddiant sy'n rhagfarnu mewn perthynas â materion a oedd gerbron y Cyngor. <p>Honnwyd bod Mr Jones yn aml wedi amharu ar fusnes y Cyngor drwy godi materion mewn modd a oedd yn aneglur a bod ei sylwadau'n anwybyddu'r rheolau sefydlog a phenderfyniadau blaenorol y Cyngor. Mae'r ymddygiad hwn wedi bod yn mynd ymlaen ers dwy</p>	<p>Torri paragraffau 4(b), 4(c), 11 (1) a 14(1) (a) y côd ymddygiad.</p>	<p>Tra'n derbyn y diffiniad eang o "sylwadau gwleidyddol" sy'n golygu lefel uwch o ddiogelwch yn erbyn ymyrryd heb gyfiawnhad â hawl person i ryddid mynegiant dan Erthygl 10 Deddf Hawliau Dynol 1998, nid oedd y sylwadau wedi eu cyfeirio at wleidydd ond at glerc sy'n cael ei gyflogi gan y Cyngor ac sydd, o'r herwydd, â hawl i gael ei ddiogelu i raddau rhag ymddygiad amharchus a gofidus.</p> <p>Dywedodd Mrs Jones ar ran yr ombwdsmon bod tebygrwydd rhwng yr achos hwn ac achos y Cynghorydd Durkin – Cyngor Sir Ynys Môn (ymddygiad amharchus tuag at a bwlio ac achosi gofid i swyddogion y</p>	<p>Cefnogwyd penderfyniadau y Pwyllgor Safonau.</p>

Enw	Crynodeb o'r Ffeithiau	Darpariaethau perthnasol y Côt	Crynodeb o'r Penderfyniad	Casgliadau
	<p>flynedd ac roedd yn cael ei amgyffred fel ymddygiad amharchus a bod y Cynghorydd yn achosi gofid i'r clerc a'r cadeirydd ac yn eu bwlio.</p> <p>Honnwyd hefyd bod Mr Jones yn herio cywirdeb y cofnodion yn gyson er bod y newidiadau a awgrymwyd ganddo wedi cael eu hystyried ac naill ai wedi cael eu gwrthod neu eu derbyn, hyd yn oed os nad oedd ef wedi bod yn bresennol yn y cyfarfod.</p> <p>Honnwyd bod ei ddull o gyfathrebu gydag aelodau a staff y Cyngor Cymuned yn flinderus, o natur bwlio ac yn amharchus a'i fod yn aml yn beirniadu gwaith y clerc yn uniongyrchol.</p>		<p>cyngor).</p> <p>Casgliad y Tribiwnlys Apêl drwy benderfyniad unfrydol oedd bod Mr Jones, drwy ei weithredoedd (a nodir uchod), wedi torri paragraffau 4(b), 4(c), 11(1) a 14(1)(a) y Côt Ymddygiad a bod y Tribiwnlys yn cefnogi'n unfrydol y penderfyniad a wnaed gan y Pwyllgor Safonau i gosbi Mr Jones.</p>	
Cyng Aeron M Jones	Dim ar gael	Torri paragraffau 4(b) a 6(1)(a), 6(2) a 7(a) y côd ymddygiad.	Dim ar gael	Cefnogwyd penderfyniad y Pwyllgor Safonau.